

LIBER III.

DE VERBICOLO 20 : « ET DIXIT DEUS : EDUCANT AQUÆ , » ET RELIQUIS USQUE AD
PRIMI CAPITIS FINEM.

CAPUT I.

*Animalium ex aquis educatio prius narratur quam
que de terra ; quod aqua aéri, aér cœlo proximum
elementum sit.*

I. « Er dixit Deus : Educant aquæ reptilia animarum vi-
» varum, et volatilia super terram, secundum firmamen-
» tum cœli. Et factum est sic. Et fecit Deus cetos magnos,
» et omne animal reptilium, qua eduxerunt aquæ secun-
» dum genus eorum. Et omne volatile pennatum secun-
» dum genus. Et vidit Deus quia bona sunt, et benedixit
» ea Deus, dicens : Crescite et multiplicamini, et replete
» aquas in mari, et volatilia multiplicentur supra terram.
» Et facta est vespera, et factum est mane dies quintus. »
Nunc in inferiore parte mundi, ea quæ spiritu vitæ mo-
ventur, sunt, et primum aquarum, quod aëris qualitatii
proximum elementum est; quia huic cœlo, in quo sunt
luminaria, ita vicinus est aér, ut et ipse cœli nomen acce-
perit; sed nescio utrum etiam firmamentum possit vocari.
Dicuntur autem cœli pluraliter in una eademque re, que
dicitur unum cœlum. Nam cum in hoc libro singulari nu-
mero dicuntur cœlum, quod dividit inter aquas, que

supra, et eas que infra sunt : in illo tamen Psalmo :
« Et aquæ, inquit, que super cœlos sunt, laudent no-
» men Domini ». Et cœlos cœlorum si bene intelligi-
gimus sidereos aëriorum, tanquam superiores inferiorum,
et hos in eodem Psalmo accipimus, ubi dictum est : Lau-
» date eum cœli cœlorum. » Satis appareat hunc aërem,
non solum cœlum, sed etiam cœlos dici : sicut dicuntur
et terræ, nec aliud significatur, quam illa que singulariter
terra dicitur, quando dicimus orbem terrarum, et orbem
terræ.

CAPUT II.

*Cœlos diluvio perissé, est aërem in aquæ naturam
transisse.*

II. Hos etiam aërios cœlos quondam periisse diluvio, in
quadam earum², que canonicae appellantur, Epistola
legimus. Neque enim humida illa natura, que ita con-
creverat, ut cubitis quindecim altissimorum montium
transcederet vertices, potuit ad sidera pervenire. Sed
qui hujus aëris humidioris, in quo aves volitant, vel tota
vel prope tota spatha compleverat, periisse qui fuerant
cœlos in illa Epistola scribitur. Quod nescio quemadmo-
dum possit intelligi, nisi in aquarum naturam pinguioris
hujus aëris qualitate conversa: alioquin non perierunt
tunc isti cœli, sed sublimis errecti sunt, cum locum eo-
rum aqua occupaverat. Itaque facilius eos secundum illius
Epistolaæ auctoritatem periisse credimus, et alios, sicut
ibi scribitur, repositos, extenuatis videlicet exhalationibus,

¹ Psal. cxlviii, 4. — ² Pet. iii, 6.

quam sic erectos, ut eis superioris coeli natura loco suo cederet.

III. Oportebat itaque ut in creandis habitatoribus inferioris hujus mundi partis, quæ sœpe terræ nomine tota commemoratur, prius producerentur ex aquis animalia, postea vero de terra: quod ita sit aëri aqua similis, ut ejus exhalationibus pinguescere proberetur, ut et spiritum procellæ faciat, id est ventum, et nubila contrahat, et possit volatus avium sustinere. Quapropter etiam verum dixit quidam secularium Poëtarum, nubes excedit Olympus, et, » Pacem summa tenent¹: » qui perhibetur in Olympi vertice aër esse tam temuis, ut neque nubibus obumbretur, neque turbetur vento, neque sustentare alites posit, neque ipsos qui forte ascenderent homines, crassioris aure spiritu alere, sicut in isto aëre consueverunt: tamen et ipse aëris est, unde aquis vicina qualitate diffunditur, et propterea ipse quoque in humidam natum conversus diluvii tempore creditur. Neque enim arbitrandum est aliquid de spatis sideri eceli usurpassé, cum omnes etiam altissimos montes aqua transcederent.

CAPUT III.

De elementorum commutatione sententiae. Aëris in Genesis historia non pretermisssus.

IV. QUANquam de conversione elementorum etiam inter ipsos qui hæc otiosa cura subtilissime perscrutati sunt; non parva questio est. Alii enim dicunt omnia in omnia posse mutari, atque converti. Alii vero esse aliquid om-

¹ Lucanus lib. II.

nino proprium singulis perhibent elementis, quod in alterius elementi qualitatem nullo modo vertatur. Unde fortassis suo loco, si Dominus voluerit, diligenter disputabimus: nunc autem quod ad præsentem sermonem attinet, hec commemoranda existimavi, ut intelligamus servatum esse ordinem rerum, quo prius oportuit aquarum animalia quam terrarum narrari creata.

V. Nec ullo modo arbitrandum est prætermisssum esse in hac Scriptura ullum mundi hujus elementum, cum quatuor notissimum constare persuasum sit, quia videatur hic cœlum et aqua et terra commemorari, de aëre autem taceri. Consuetudo quippe nostrarum Scripturarum est aut cœli et terre nomine mundum appellare, aut interdum addere et mare. Aëris itaque vel ad cœlum pertinere intelligitur, si qua sunt in ejus superioribus partibus tranquillissima et pacatissima spatia; vel ad terram proper hunc turbulentum et caliginosum locum, qui humida exhalatione pinguescit, quamvis et ipse sœpius cœli nomine nuncupetur: ac per hoc non scriptum est: « Producant aquæ reptilia animalium vivarum, et: Producat aëris volatilia volunt super terram: » sed utrumque hoc animalium genus ex aquis productum esse narratur. Quidquid ergo aquarum sive labiliter undosum et fluidum est, sive vaporaliter tenuatum atque suspensum, ut illud reptilibus animalium vivarum, hoc volatilibus appareat distributum, utrumque tamen humidæ nature deputatur.

CAPUT IV.

Quinque sensus ad quatuor elementa referri.

VI. IDEOQUE sunt etiam qui subtilissima consideratione quinque istos manifestissimos corporis sensus secundum quatuor usitata elementa ita distinguunt, ut oculos ad ignem, aures ad aërem dicant pertinere. Olfacti autem gustandice sensum nature humidae attribuunt: et olfactum quidem istis exhalationibus humidis, quibus crassatur hoc spatium, in quo aves volitant; gustatum vero istis fluxibilibus et corpulentis humoribus. Nam quemcumque in ore sapient, ipsis oris humor commiscerent ut sapient, etiam si arida cum acciperent frisse videantur. Ignis tamen omnia penetrat, ut motum in eis faciat. Nam et humor privatione caloris congelascit, et cum possint fervescere cætera elementa, ignis frigescere non potest: facilius quippe extinguitur ut ignis non sit, quam frigidus maneat, aut sit aliquo frigidi contactu tepidior. Tactus autem, qui est quintus in sensibus, terreno elemento magis congruit: proinde per totum corpus animantis, quod maxime ex terra est, queque tacta sentiuntur. Dicunt etiam videri sine igne posse aliquid, nec tangi sine terra. Ac per hoc elementa omnia in omnibus inesse; sed unumquodque eorum ex eo quod amplius habet accepisse vocabulum. Ideo autem caloris privatione, cum corpus nimis frigescit, obtundi sensum, quia motus pigressit, qui ex calore inest corpori, dum ignis aërem, et aëris humida, et humor terrena queaque afficit, subtilioribus scilicet crassiora penetrantibus.

CAPUT V.

*Ut ad quatuor elementa varie se habet sentiendi vis
in quinque sensibus.*

VII. QUANTO autem quidque subtilius est in natura corporali, tanto est vicinus nature spirituali; quamvis longe distante genere, quandoquidem illud corpus est, illud non est. Ac per hoc quoniam sentire non est corporis, sed animae per corpus, licet acute disserratur secundum diversitatem corporeorum elementorum sensus esse corporis distributos, anima tamen cui sentiendi vis inest, cum corpore non sit, per subtilius corpus agitat vigorem sentiendi. Inchoat itaque motum in omnibus sensibus a subtilitate ignis, sed non in omnibus ad idem pervenit. In visu enim pervenit represso calore usque ad ejus lucem. In auditu usque ad liquidiorem aërem calore ignis penetrat. In olfactu autem transit aërem purum, et pervenit ad humidam exhalationem, unde crassior haec aura subsistit. In gustu et hanc transit, et pervenit usque ad humorum copuluentorem: quo etiam penetrato atque trajecto, cum ad terrenam gravitatem pervenit, tangendi ultimum sensum asit.

CAPUT VI.

*Aëris elementum non esse prætermissum a scriptore
Genesis.*

VIII. Non igitur ignorabat naturas elementorum eorumque ordinem, qui cum visibilium, quæ intra mundum in elementis natura moventur, conditionem introduceret, prius celestia luminaria, deinde aquarum animalia, terrarum autem postrema narravit: non quod aërem prætermisserit, sed quod purissimi et quietissimi aëris, ubi volare aves non posse dicuntur, si qua sunt spatia, celo superiori conjunguntur, et cœli nuncupantur in Scripturis ad superiore mundi partem pertinere intelliguntur: ut terræ nomine universaliter hoc totum significetur, ex quo incipit deorsum versus, ignis, grando, mix, glacies, spiritus tempestatis¹, et omnes abyssi, donec perveniat ad aridam, quæ proprio nomine terra dicitur. Aës itaque ille superior, sive quod ad cœlestem mundi pertinet partem, sive quod nullum habet visibilem habitatorem, de qualibus nunc sermo narrans est, neque prætermisso est celo nominato, neque annumeratus in creandis animalibus: iste vero inferior, qui excipit exhalationes humidas maris ac terre, et ad sustinendas aves quodammodo crassatur, nomini ex aquis accipit animalia. Quod enim ejus humidum est, hoc portat alitum corpora, que ita nituntur penitus volantes, quemadmodum pisces quibusdam suis aliis natantes.

¹ Isi cxlvii 8.

quique afficit, subservientes scientiam
sora penetrantibus.

CAPUT VII.

Volatilia ex aquis non immerito dicuntur creatæ.

IX. PROINDE scienter tanquam Spiritus Dei, qui scribenti aderat, ex aquis dicit producta volatilia. Quorum natura bipartitum locum sortita est: inferiorem silicet in unda labili, superiorem, vero in aura flabili. Illum depatum natantibus, istum voluntibus. Sicut huic elemento congruos duos etiam sensus animalibus datos videmus, olfactum explorandi vaporibus, gustatum explorandi liquoribus. Quod enim et tactu aquas ventosque sentimus, hoc est, quod terræ solidum omnibus admiscetur elementis: sed in his crassioribus sentimus amplius, ita ut etiam tangendo contrectari valeant. Ideoque et ista in duabus maxime mundi partibus generaliter terra nomine complectuntur: sicut ille Psalmus ostendit, omnia superiora ab illo principio enumerans: « Laudate Dominum de celis; » omniaque inferiora ab alio principio, » Laudate Dominum de terra, » ubi et spiritus tempestatis et omnes abyssi nominantur, et ignis iste qui viri tangentem, quia de terrenis et humidis motibus ita existit, ut subinde vertatur in aliud elementum. Et quamvis naturæ suæ sursum nitendo indicet appetitum, in cœlestem tamen superiorem tranquillitatem non potest evadere; quia multo aëre superatus et in eum conversus extinguitur: ac per hoc in ista rerum parte corruptibiliore atque pigriore turbulentis motibus agitatur ad temperandum ejus rigorem, et ad usus terroresque mortalius.

X. Quia ergo etiam tactu, qui ad terram propriè per-

tinet, sentiri possunt et fluctus undarum, et fatus aurarum, propterea ipsa quoque aquatilium animalium corpora et terrenis vescuntur, et maxime aves; in terra etiam requiescent, fotsusque propagant: pars enim humoris, que vaporaliter exhalatur, etiam super terras extenditur. Ideo que cum dixisset Scriptura: «Educant aqae reptilia animalium vivarum, et volatilia, inquit, super terram;» addidit sane dicens: «Secundum firmamentum cœli,» in quo potest aliquanto manifestius appare illud, quod ante videbatur obscurum. Non enim ait: «In firmamento cœli», sicut de luminaribus; sed «Volantia, inquit, super terram, secundum firmamentum cœli,» id est, juxta firmamentum cœli: quia videlicet hoc caliginosum et humidum spatum, in quo aves volant, illispatio contiguum est; ubi volare non possunt, quod jam merito tranquillitas et quietis pertinet ad firmamentum cœli. In cœlo ergo volant aves, sed in isto, quod ille Psalmus etiam terræ nomine includit; propter quod eorum vocantur multis locis volatilia cœli: non tamen in firmamento, sed secundum firmamentum.

CAPUT VIII.

Reptilia animalium vivarum pisces cur appellati?

XI. NONNULLI putant propter sensus tarditatem non animam vivam, sed «Reptilia animalium vivarum» appellata. Sed si propterea sic appellarentur, avibus daretur nomen animæ vivæ. Cum vero et ipsa volatilia dicta sunt, sicut illa reptilia, ut subbaditur animalium vivarum; fatendum est, ut arbitror, ita dictum, ac si diceretur, que-

sunt in animabus vivis reptilia vel volatilia; sicut dici posset ignobilia hominum, ut intelligeremus, quicunque sunt in hominibus ignobiles. Quanquam enim sint et animalia terrestria, que repunt super terram; tamen ex multo majore numero pedibus moventur, et tam pauca fortasse in terris repunt, quam pauca in aquis graduntur.

XII. NONNULLI autem putavere propter non animam vivam, sed «Reptilia animalium vivarum» pisces esse appellatos, quod eis memoria nulla sit, nec aliqua vita velut ratione vicinior. Sed fallit eos experientia minor. Nam quidam scriperunt quoniam advertere potuerunt in vivaris piscium multa miranda. Sed etiam si forte falsa scriperunt, memoriam tamen pisces habere certissimum est. Quod ipse sum expertus, et experiantur qui possunt et volunt. Nam fons quidam magnus Bullensium-regiorum, fere plenus est piscium. Solent autem homines desuper intuentes eis aliquid jacere, quod sibi vel preripiunt confluentes, vel inter se diripiunt concertantes. Quo pastu assueti, deambulantibus super oram fontis hominibus, ipsi quoque cum eis congregatis natando eunt et redeunt, expectantes unde aliquid jaçent, quorum praesentiam sentiunt. Non itaque frustra mili videtur aquarum animalia sic appellata reptilia quemadmodum aves volatilia: nam si vel nulla memoria, vel sensus tardior, animæ vivæ nomen repulisset a piscibus, volatilibus certe adhiberetur, quorum vita in oculis nostris est et memor et garrula, et in nidis construendis educandisque foetibus solertissima.

lubupis : siliis et lvs silicis vivi undamis ni
lubupis : siliis et lvs silicis vivi undamis ni
lubupis : siliis et lvs silicis vivi undamis ni
lubupis : siliis et lvs silicis vivi undamis ni
CAPUT IX.

*Quod quidam philosophi cinqe elemento sua ani-
malia tribuerunt.*

XIII. Nec ignoro ita quosdam philosophos sua cuiusque elementi distribuisse animalia, ut terrena esse dicereant, non tantum que in terra repunt atque gradiuuntur, sed aves etiam, quod et ipse in terra requiescant, volando fatigatae : aëria vero animalia daemones esse, celestia deos; quorum quidem nos partim luminaria, partim Angelos dicimus. Idem tamen aquis pisces et sui generis bellus attribuunt, ut nullum elementum suis animalibus varet: quasi vero sub aqua terra non sit, aut probare possint pisces non in ea requiescere ac parare natandi vires, sicut volandi aves : et si forte rarius pisces id faciunt, quod ad gestanda corpora sit unda quam aura validior, ita ut terrena quoque animalia natantia ferat, sive usu docta, ut homines, sive natura, ut quadrupedia vel serpentes. Aut si propterea non putant, quin non insunt pedes piscibus; nec phœcae aquarum sunt¹, nec colubri cochleaeque terrarum: nam et illæ pedes habent, et haec genera sine ipsis pedibus, non dico, requiescent in terra, sed ab ea viri aut nunquam recedunt. Dracones autem sine pedibus et in speluncis requiescere, et in aërem sustolli perlibentur: qui quanquam non facile noti sint, litteræ tamen, non tantum nostræ, sed etiam gentilium nequaquam de isto animantium genere tacuerunt.

¹ φάειται τιτανία.

non (omni) voloq[ue] est aëroquia loci subtiles
terram, et aëreum, et aquam, et ignem, et
lumen, et sonum, et tactum, et gustum, et
olfactum, et tactum, et gustum, et sonum, et
lumen, et tactum, et gustum, et sonum, et
CAPUT X.

*Concesso daemones esse aëria animalia, nihil defra-
hitur Scriptura docent producta fuisse ex aqua
volatilia. — Venti. — Tonitrua. — Nubes. — Plu-
via. — Grandio. — Serenitas.*

XIV. QUAPROPTER eti dæmones aëria sunt animalia, quoniam corporum aëriorum natura vigent, et propterea morte non dissolvuntur, quia prævalit in eis elementum; quod ad faciendum quād ad patiendum est aptius; duobus subterpositis, aqua scilicet et terra, uno autem superposito, id est igne sidereo: distribuantur enim elementa ad patiendum duo, humor et humus; ad faciendum autem alia duo, aëris et ignis. Si ergo haec ita sunt, non impedit ista distinctio nostram Scripturam, qua non ex aëre, sed ex aqua producta indicat volatilia; quia subtilioris quidem et in auras exhalati atque distenti; sed tamen humoris locus volatilibus datus est. Aëris autem a consilio lu-
minosi coeli usque ad aquarum, fluida et nuda terrarum pervenit. Non tamen totum spatium ejus exhalationes humide infusant, sed usque ad eum finem, unde incipit etiam terra nominari, secundum illum Psalmum ubi dici-
tur: « Laudate Dominum de terra¹. » Superior vero pars
aëris, propter puram tranquillitatem, coelo cui confimita-
tur, communī pace conjungitur, et ejus vocabulo nuncupatur. In qua fortassis parte si fuerint ante transgressio-
nem suam transgressores angeli cum principe suo, nunc
diabolo, tunc archangelo: (nam nonnulli nostri non eos

¹ Psal. XLVIII, 7.

putant coelestes vel supercoelestes angelos fuisse:) non
mirum si post peccatum in istam sunt detrusi caliginem;
ubi tamen et aer sit, et humore tenui contextatur, qui
commotus ventos, et vehementer concutitus etiam ignes
et tonitrua, et contractus nubila, et conspissatus pluviam,
et congelantibus nubilis nivem, et turbulentius congelantibus
densioribus nubilis grandinem, et distentus serenum
facit, occultus imperii et opere Dei, a summis ad infima
universa qua creavit administrantis. Unde in illo Psalmo
cum commemorata essent, « Ignis, grando, nix, glacies,
spiritus tempestatis¹; » ne talia sine divina providentia
fieri moverique putarentur, continuo subjecit, « Que
faciunt verbum eius. »

XV. Si autem transgressores, illi antequam transgrederentur, coelestia corpora gerebant, neque hoc mirum est, si conversa sunt ex pena in aëriam qualitatem, ut iam possint ab igne, id est, ab elemente naturae superioris aliquid pati: nec aëris saltem spatia superiora atque priuora, sed ista caliginosa tenere permissi sunt, qui eis pro suo genere quidam quasi carcere est, usque ad tempus iudicii. Et si quid de his transgressoribus angelis diligenter requirendum est, aliis erit accommodator Scripture locus. Proinde quod nunc satis est, si hæc spatia turbida et procellosa, propter aëris naturam usque ad undas terraque porrectam, possunt aëria corpora sustinere; possunt et avium quo producta sunt ex aquis, propter aquarum tenues habitat: qui scilicet eidem aëri juxta undas et terras circumfuso, atque ob hoc insimiae ac terrena parti deputato, vaporaliter inseruntur, et auras intexunt, quæ nocturni rigoribus aggravatae sereno etiam rore distillant: si autem velumentum frigus est, etiam gelu candidius inalbuscunt.

¹ Psal. cxlviii. 8.

CAPUT XI.

Tractantur versiculi 24 et 25. De varüs animalium generibus creatis de terra.

XVI. « Er dixit Deus: Educat terra animam vivam secundum genus: quadrupedia, et reptilia, et bestias terra secundum genus, et pecora secundum genus. Et factum est sic. Et fecit Deus bestias terrae secundum genus, et pecora secundum genus, et omnia reptilia terra secundum genus. Et vidit Deus quia bona sunt. » Jam nunc consequens erat, ut alteram partem, quæ proprie terra dicitur, infimi hujus loci, quem totum cum omnibus abyssis et nebulois aere universitaliter vocabulo terra alibi Scriptura complectitur, ornaret animalibus suis. Et manifesta quidem sunt animalium genera, quæ in verbo Dei terra produxit. Sed quia sepe nomine pecorum vel nomine bestiarum, animalia omnia rationis experita solent intelligi, merito queritur, quas nunc proprie bestias, et quæ pecora dicat. Et repentina quidem sive reptilia terrena, non est dubitandum quod omnes serpentes intelligi voluit; quanquam et bestiae dici possint; pecorum autem nomen non usitate serpentibus convenit. Rursus leonibus, et pardis, et tigridis, et lupis, et vulpibus, canibus etiam et simiis, atque id genus ceteris usitate convenit vocabulum bestiarum. Pecorum autem nomen his animalibus accommodatus aptari solet, quæ sunt in usu hominum; sive adjuvandis laboribus, ut boves et equi, et si qua talia; sive ad lanificium, vel ad vescendum, ut oves et sues.

XVII. Quid ergo sunt quadrupedia? Quanquam enim hæc omnia, præter quedam serpentia, quatuor pedibus gradiantur, nisi tamen hoc nomine proprie quedam vellet intelligi, non utique hic etiam quadrupedia nominaret, quamvis de his in repetitione tacuerit. At cervi et damulæ, et onagri, et apri, (quia neque illis bestiis, ubi leones sunt, conjungi possunt; similes enim sunt illis pecoribus, neque tamen sub humana cura sunt,) proprie quadrupedia nuncupantur sunt; quasi reliqua essent hæc animalia, quibus ista appellatio generalis quidem cum multis propter numerum pedum, sed tamen speciali significations tribueretur? An quic ter dixit: « Secundum genus, » tria quedam genera nos invitat attendere? Primo, « Secundum genus » quadrupedia et reptilia; ubi arbitror significatum quæ quadrupedia dixerit, scilicet quæ in genere sunt reptilia, sicut sunt laceri, stelliones, et si quid hujusmodi est. Ideoque in repetitione quadrupedum nomen non iteravit, quia reptilium vocabulo fortasse complexus est: unde ibi non simpliciter ait, « Reptilia, » sed addit: « Omnia reptilia terræ. » Ideo terræ quæ sunt et aquarum; et ideo omnia, ut illic intelligentur quæ quatuor etiam pedibus nituntur, quæ superius quadrupedum nomine propriæ significata sunt. Bestias autem, de quibus item ait: « Secundum genus, » quidquid ore aut etiam unguibus sevit, exceptis serpentibus. Pecora vero de quibus tertio ait: « Secundum genus, » quæ neutra vi lacerant, sed aut cornibus, aut ne hoc quidem. Prædicti enim et quadrupedum nomen quam late pateat, ipso pedum numero facile agnoscî, et nomine pecorum vel bestiarum omne irrationale animal aliquando comprehendî. Sed etiam ferarum vocabulum solet in latina lingua tantumdem valere: non ideo tamen negligenda fuit consideratio, quomodo possint hæc nomina, quæ non

frustra in hoc Scripturarum loco posita sunt, etiam speciali distinctione discerni, quod in usu loquendi quotidiano facile animadverteri potest.

non inde quadrupedum nomen, ita ut singul in eis quæcumque tria exstant sint, utrumque invenimus. Quidam namque oportet obstat, quod in libro primo ad Genesim, capitulo XII. secundum genus, quod de quibusdam creaturis, non de homine dicitur.

XVIII. Non frustra etiam lectorem moveat, utrum ne passim et quasi fortuito, an aliqua ratione dicatur, « Secundum genus, » tanquam fuerint et antea, cum primo creata narrentur: an genus eorum in superioribus rationibus intelligentum est, utique spiritualibus, secundum quas creatur inferioris. Sed si ita esset, hoc de luce, hoc de celo, hoc de aquis et terris, hoc de eoli luminalibus diceretur. Quid enim eorum est, cuius non æterna et incomutabilis ratio in ipsa Dei Sapientia vigeat, quæ « Attigit a fine usque ad finem fortiter, et disponit omnia » suavitate? Incipit autem hoc dici de herbis et lignis, usque ad hæc terrena animantia. Nam et in eis quæ ex aquis creata sunt, quamvis in prima commemoratione dictum non sit, in illa tamen iteratione dictum est: « Et fecit Deus ceteros magnos et omnem animalium » reptilium, quæ eduxerunt aquæ secundum genus eorum; et omne volatile pennatum secundum genus.

XIX. An quia hæc ita exorta sunt, ut ex eis alia nascentur, et originis formam successione servarent, ideo dicuntur: « Secundum genus, » propter propagationem prolixi, qua permansura creabantur? Sed cur de herbis et

¹ Sap. viii. 1.

lignis non solum dicitur, « Secundum genus, » verum etiam « Secundum similitudinem, » cum et animalia sive aquarum sive terrarum secundum similitudinem suam generent? An quia genus sequitur similitudo, noluit eam ubique repetere? Nam et semen non ubique repetivit; cum tam herbis et lignis insit, quam animalibus, etsi non omnibus. Observatum est enim quedam ita nasci ex aquis vel terra, ut sexus cis nullus sit; et ideo semen eorum non sit in eis, sed in elementis ex quibus oriuntur. Hoc est ergo secundum genus, ubi et seminum vis et similitudo intelligitur succendentium decadentibus: quia nihil eorum ita creatum est, ut semel existeret, vel permaneret, vel nullo succidente decessurum.

XX. Cur ergo et de homine non ita dictum est: « Facciamus hominem ad imaginem et similitudinem nostram, secundum genus; » cum et hominis propago manifesta sit? An quia non ita Deus fecerat hominem ut moreretur, si praeceptum servare voluisse, et ideo non erat necessarius decessori successor: sed post peccatum « Comparatus est » pecoribus insensatis, et similis factus est eis¹; » ut jam filii seculi huius generent, et generentur, quo possit mortalium genus servata successione subsistere? Quid sibi ergo vult post hominem factum illa benedictio: « Crescite et multiplicamini, et implete terram²: » quod utique fieri posset generando? An nihil hinc temere dicendum, donec ad eum Scriptura locum perveniamus, ubi diligenter ista requirenda atque tractanda sunt? Potest enim nunc fortasse sufficere, propterea de homine non dictum esse secundum genus, quia unus siebat, de quo etiam foemina facta est. Non enim multa genera hominum, sicut herbarum, lignorum, piscium, volatilium, serpentium, pecorum, bestiarum, ut sic dictum accipiamus, secundum

¹ Psal. xlviii, 13. — ² Gen. 1, 23. *ut huc nomine*

genus, ac si diceretur generatim, ut inter se similia atque ad unam originem seminis pertinentia distinguerentur a ceteris.

CAPUT XIII.

Benedictio cur solis aquatilibus sicut homini imperita. — Officium gignendi.

XXI. Item queritur, quid tantum aquarum animalia de Creatore meruerint, ut sola benedicterentur, sicut homines. Nam et ipsa benedixit Deus, dicens: « Crescite et multiplicamini, et implete aquas maris, et volatilia multiplicantur super terram. » An in uno creature generi dicendum fuit, ut in ceteris consequenter intelligeretur, que generationibus crescunt? Prius ergo diceretur in eo quod primum tale creatum est, in herba scilicet atque ligno. An forte que nullum habent propaganda prolixus affectum, ac sine ullo sensu generarent, indigna iudicavit illis benedictionis verbis: « Crescite et multiplicamini: » ubi autem talis inesset affectus, ibi primum hoc dixit, ut in terrenis animalibus etiam non dictum intelligeretur? Necessarium autem fuit hoc in homine repetere, ne quisquam diceret in officio gignendi filios ullum esse peccatum, sicut est in libidine, sive fornicandi, sive ipso coniugio immoderatus abutendi.

CAPUT XIV.

De insectorum creatione.

XXII. NONNULLA etiam de quibusdam minutissimis animalibus quæstio est, utrum in primis rerum conditionibus creata sint, an in consequentibus rerum mortalium corruptionibus? Nam pleraque eorum aut de vivorū corporum vitiis, vel purgamentis, vel exhalationibus, aut cadaverum tabe gignuntur; quedam etiam de corruptione lignorum et herbarum, quedam de corruptionibus fructuum: quorum omnium non possumus recte dicere Deum non esse creatorē. Inest enim omnibus quoddam naturae sui generis decus, sic ut in his major sit admiratio bene considerantis, et laus uberior omnipotenti artifici: qui omnia in sapientia fecit¹, quæ a fine usque ad finem pertendunt, et suaviter cuncta disponens², nec ea ipsa rerum novissima, quæ pro sui generis ordine dissolvuntur, et quarum dissolutionem ex poena nostræ mortalitatis horremus: relinquit informia: sed creat minima corpore, acuta sensu, animantia; ut majore attentione stupeamus agilitatem muscæ volantib[us], quam magnitudinem jumenti gradientis, ampliusque miremur opera formicarum, quam onera camelorum.

XXIII. Sed utrum in primis, ut dixi, rerum conditionibus, quæ isto sex dierum ordine creata narrantur, hæc quoque minima instituta credamus, an postea consequentibus corruptibilium corporum solutionibus, hoc quæratur. Et potest quidem dici ea minutissima, quæ ex aquis

¹ Psal. cxii, 24. — ² Sap. viii, 1.

vel terris oriuntur, tunc creata: in quibus etiam illa non absurdè intelliguntur, quæ nascuntur ex iis quæ terra germinante orta sunt; et quia præcesserant conditionem, non solum animalium, sed etiam luminarium; et quia teræ continuantur per radicum connexionem, unde illo die quo apparuit arida, exorta sunt, ut potius, ad supplementum habitationis, quam ad numerum habitatorum pertinere intelligantur. Cetera vero quæ de animalium gigantibus corporibus, et maxime mortuorum, absurdissimum est dicere tunc creata, cum animalia ipsa creata sunt³; nisi quia inerat jam omnibus animatis corporibus vis quedam naturalis, et quasi præseminata, et quodam modo liejata⁴ primordia futurorum animalium, quæ de corruptionibus talium corporum pro suo quæque genere ac differentiis erant exortura, per administrationem ineffabilē omnia movente incommutabili Creatore.

CAPUT XV.

De creatione animalium venenatorum.

XXIV. De generibus quoque animalium venenosis et perniciosis queri solet, utrum post peccatum hominis ad vindictam creata sint; an potius cum jam creata essent innocua, nonnisi postea peccatoribus nocere coeperint. Neque hoc mirum est, quandoquidem etiam temporibus hujusvitæ laboriosæ atque æruginosæ, cum ita sit, nemo justus ut perfectum se audeat dicere, fideliter attestante Apostolo et dicente: « Non quia jam acceperim aut etiam » perfectus sum⁵; cumque adhuc exercenda atque in

³ 2. Sont. xv, cap. De quibusdam. — ⁴ Philip. iii, 12.⁵ 1 Cor. iii, 2.

infirmitate perficienda virtuti necessariae sint tentationes et molestiae corporales, eodem rursus Apostolo manifestante qui ait, in magnitudine revelationum ne extollentur, datum sibi esse stimulum carnis, angelum Satanam ut eum colaphizaret, rogatumque a se Dominum tertio, ut discederet ab eo, respondisse sibi: « Sufficit tibi gratia mea; nam virtus in infirmitate perficitur¹. » Tamen et sanctus Daniel inter leones salvus atque intrepidus vixit, qui non utique Deo mentiens in oratione, non tantum peccata populi sui, sed etiam sua fatetur²: et in ipsis Apostoli manu mortifera vipera inhaesit, nec laesit³. Potuerunt ergo ista etiam creata nihil nocere, si causa non extisset, vel terrendorum puniendorumque vitorum, vel probandae perficiendae virtutis: quia et exempla sunt demonstranda patientia, ad profectum ceterorum; et ipse sibi homo in tentatione certius innoscet; et juste salus illa perpetua, qua turpiter amissa est per voluptatem, fortiter recipitur per dolorem.

CAPUT XVI.

Bestiae invicem nocentes cur creare.

XXV. DICET aliquis: Cur ergo invicem bestiae nocent, quibus nec peccata illa sunt, ut vindicta ista dicatur, nec ullam recipiunt tali exercitatione virtutem? Ideo nimurum, quia scilicet aliae cibi sunt aliarum. Nec recte possumus dicere: Non essent alia quibus aliae vescerentur. Habent enim omnia quandiu sunt, mensuras, numeros, ordines suos, quae cuncta merito considerata laudantur,

¹ 2 Cor. xi, 9. — ² Dan. vi, 22; et xiv, 38. — ³ Act. xxviii, 5.

nece sine occulta pro suo genere moderatione pulchritudinis temporalis, etiam ex alio in aliud transeundo, mutantur. Quod etsi stultos latet, sublucet proficiensibus, clarumque perfectis est. Et certe omnibus talibus inferioris creaturae motibus prebentur homini salubres admonitiones, ut videat quantum sibi satagendum sit pro salute spiritali et sempiterna, qua omnibus irrationalibus animalibus antecellit, cum illa videat a maximis elephantis usque ad minimos vermiculos pro salute corporali et temporali, quam pro sui generis inferiore ordinatione sortita sunt, sive resistendo, sive cavendo, agere quidquid valent: quod non appetit, nisi cum quedam refractionem corporis sui ex aliorum corporibus querunt; alia se vel repugnandi viribus, vel fugae praesidio, vel latebrarum minime tuerint. Nam et ipse corporis dolor in quolibet animante magna et mirabilis anima vis est, quae illam compaginem ineffabili permixtione vitaliter continet, et in quendam sui moduli redigit unitatem, cum eam non indifferenter, sed ut ita dicam, indignanter patitur corrupti atque dissolvi.

CAPUT XVII.

Scrupulus de corporibus mortuorum devoratis.

XXVI. ILLUD etiam fortasse aliquem moveat, si animalia noxia vivos homines aut penaliter ledunt, aut salubriter exercent, aut utiliter probant, aut ignoranter docent, cur in escas suas dilacerant etiam corpora hominum mortuorum? Quasi vero quidquam intersit ad nostram utilitatem, ista caro jam examinis in natura profunda

secreta per quos transitus est, unde mirabilis omnipotens
Creatoris reformanda rursus eratur. Quanquam et hinc
fiat quedam prudentibus admonitio, ut se ita commen-
dant fideli Creatori, omnia maxima et minima ocullo
nutu administranti, cui nostri etiam capilli numerati sunt¹,
ne propter inanes curas examinatiorum corporum saorum
ulla genera mortium perborescant, sed pia fortitudinis
nervos ad omnia preparare non dubitent.

CAPUT XVIII.

*Spinæ et tribuli lignaque infructuosa cur et quando
creata.*

XXVII. TALIS etiam quæstiō de spinis et tribulis solet
aboriri, et de quibusdam lignis infructuosis, vel cur, vel
quando creata sint, cum Deus dixerit: « Producat terra her-
bam pabuli seminante semen; et lignum fructiferum
faciens fructum. » Sed qui ita moventur, non intelligunt
saltem de usitatib[us] formulis humani juris, quemadmodum
appelletur ususfructus. Utilitas enim quædam frumentum
in fructu nomine consideratur. Quantæ autem sint utili-
tates, sive manifestæ, sive occultæ, omnium quæ terra
gignens radicibus alit, et ipsi quædam intueantur, et ab
expertis cetera inquirant.

XXVIII. Et de spinis quidem ac tribulis absolutior po-
test esse responsio, quia post peccatum dictum est homini
de terra: « Spinæ et tribulos pariet tibi². » Nec tamen
facile dicendum est tunc expiissima ista oriri ex terra. For-
tassis enim quoniam in ipsis quoque generibus seminum

¹ Luc. iii, 7. — ² Gen. iii, 18.

multæ reperiuntur utilitatis, poterant habere locum suum
sim illa pena hominis. Sed ut in agris, in quibus jam
penaliter laborabat, etiam ista nascerentur, hoc ad cumu-
lum prece valere credi potest, cum possent alibi nasci,
vel ad avium pecorūque pastus, vel ad ipsum homi-
num aliquos usus. Quanquam et ille sensus non abhorret
ab his verbis, quo ita intelligitur dictum: « Spinæ et tri-
bulos pariet tibi; » ut haec etiam ante terra paries, non
tamen homini parere ad laborem, sed cunctismodi ani-
malibus convenientem cibum; sunt enim quæ his gene-
ribus, et mollioribus et aridioribus commode suavitèque
vescantur: tunc autem eceperit ista homini parere ad
terrenum negotium; cum post peccatum coepit in terra
laborare. Non quod alias loci hec antea nascerentur, et
post in agris quos homo ad capiendas fruges coleret; sed
et prius et postea in eisdem locis: prius tamen non homini,
post autem homini, ut hoc significet quod additum est;
« Tibi: » quia non est dictum, « Spinæ et tribulos pa-
riet, » sed, « Pariet tibi; » id est, ut tibi jam ista nasci
incipiant ad laborem, quæ ad pastum tantummodo alias
animalibus antea nascebantur.

CAPUT XIX.

*De versiculis 26 et 27, etc. Cur in solius hominis
creatio dictum, Faciamus, etc.*

XXIX. « Et dixit Deus: Faciamus hominem ad imagi-
nem et similitudinem nostram, et dominetur piscium
maris et volatilium cœli, et omnium pecorum, et omnis
terre, et omnium reptilium repentinum super terram.

» Et fecit Deus hominem, ad imaginem Dei fecit eum;
 » masculum et feminam fecit eos. Et benedixit eos Deus
 » dicens: Crescite et multiplicamini, et implete terram,
 » et dominamini ejus, et principamini piscium maris, et
 » volatilium coeli, et omnium pecorum, et omnis terre,
 » et omnium reptilium repentium super terram. Et dixit
 » Deus: Ecce dedi vobis omne pabulum seminale, semi-
 » nans semen quod est super omnem terram, et omne
 » lignum quod habet in se fructum seminis seminalis,
 » vobis erit ad escam, et omnibus bestiis terra, et om-
 » nibus volatilibus coeli, et omni reptili repenti super
 » terram, quod habet in se spiritum vitae, et omne pa-
 » bulum viride in escam. Et factum est sic. Et vidit Deus
 » omnia qua fecit, et ecce bona valde. Et facta est ves-
 » pera, et factum est mane dies sextus. » Etiam atque
 etiam de natura hominis post erit uberior considerandi et
 diligenter disserendi locus. Nunc tamen ut opera sex
 dierum nostra inquisitio pertractatioque concludat, hoc
 primum breviter dicimus¹, non indifferenter accipendum
 quod in aliis operibus dicitur: « Dicit Deus: Fiat; » hic
 autem, « Dicit Deus: Faciamus hominem ad imaginem et
 » similitudinem nostram: » ad insinuandam scilicet, ut
 ita dicam, pluralitatem personarum propter Patrem, et
 Filium, et Spiritum sanctum. Quam tamen Deitatis uni-
 tatem intelligendam statim admonet dicens: « Et fecit
 » Deus hominem ad imaginem Dei; » non quasi Pater ad
 imaginem Filii, aut Filius ad imaginem Patris; alioquin
 non vere dictum est: « Ad imaginem nostram, » si ad
 Patris solius, aut Filii solius imaginem factus est homo;
 sed ita dictum est: « Fecit Deus ad imaginem Dei; tan-
 quam diceretur; « Fecit Deus ad imaginem suam. » Cum
 autem nunc dicitur: « Ad imaginem Dei, cum superioris

¹ Sent. dist. ii, cap. Proponamus; et 2 Sent. dist. xvi, cap. 1.

dictum sit: « Ad imaginem nostram; » significatur quod
 non id agat illa pluralitas personarum, ut plures deos vel
 dicamus, vel credamus, vel intelligamus; sed Patrem et
 Filium, et Spiritum sanctum, propter quam Trinitatem
 dictum est: « Ad imaginem nostram, » unum Deum acci-
 piamus, propter quod dictum est: « Ad imaginem
 » Dei. »

CAPUT XX.

*In quo homo factus sit ad imaginem Dei. Curve de
 homini creatione non dicitur: Et sic est factum.*

XXX. Hic etiam illud non est prætereundum, quia
 cum dixisset: « Ad imaginem nostram; » statim subiunxit:
 « Et habeat potestatem piscium maris et volatilium coeli; »
 et ceterorum animalium rationis expertum: ut videlicet
 intelligamus in eo factum hominem ad imaginem Dei, in
 quo irrationalibus animalibus antecellit. Id autem est
 ipsa ratio, vel mens, vel intelligentia, vel si quo alio vo-
 cabulo commodius appellatur. Unde et Apostolus dicit:
 « Renovamini in spiritu mentis vestre², et induite novum
 » hominem, qui renovatur in agnitione Dei secundum
 » imaginem ejus qui creavit eum²; » satis ostendens ubi
 sit homo creatus ad imaginem Dei: quia non corporeis
 lineamentis, sed quadam forma intelligibili mentis illu-
 minatae.

XXXI. Ac per hoc sicut in illa prima luce, si eo nomine
 recte intelligitur facta lux intellectualis particeps eternæ
 atque incommutabilis Sapientiae Dei, non dictum est: « Et

² Eph. iv, 23. —² Col. iii, 10.

» sic est factum; » ut deinde repeteretur; « Et fecit Deus; » quia sicut jam quantum potuimus disserimus, non fiebat cognitio aliqua Verbi Dei in prima creatura: ut post eam cognitionem inferius crearetur, quod in eo Verbo creabatur; sed ipsa prima creabatur lux, in qua fieret cognitio Verbi Dei, per quod creabatur, atque ipsa cognitio illi esset ab informitate sua converti ad formantem Deum, et creari, atque formari; postea vero in ceteris creaturis dicitur: « Et sic est factum; » ubi significatur in illa luce, hoc est, in intellectuali creatura prius facta Verbi cognitio; ac deinde cum dicitur: « Et fecit Deus, » ipsius creature genus fieri demonstratur, quod in Verbo Dei dictum erat ut fieret; hoc et in hominis conditione servatur. Dixit enim Deus: « Faciamus hominem ad imaginem » et similitudinem nostram, etc. Ac deinde non dicitur: « Et sic est factum; » sed jam subinfernatur: « Et fecit » Deus hominem ad imaginem Dei: quia et ipsa natura scilicet intellectualis est; sicut illa lux et propterea hoc est ei fieri, quod est agnoscere Verbum Dei per quod fit.

XXXII. Nam si diceretur: « Et sic est factum, » et postea subinfernetur: « Et fecit Deus; » quasi prius factum intelligeretur in cognitione rationalis creatura, ac deinde in aliqua creatura, que rationalis non esset: quia vero et ipsa rationalis creatura est, et ipsa eadem cognitione perfecta est. Sicut enim post lapsum peccati homo in agnitione Dei renovatur, secundum imaginem ejus, qui creavit eum; ita in ipsa agnitione creatus est, antequam delicto veteraseretur; unde rursum in eadem agnitione renovaretur. Que autem non in ea cognitione creata sunt, quia sive corpora, sive irrationalis animae creabantur, primo facta est in creatura intellectuali cognitione eorum a Verbo, quo dictum est ut fierent: propter quam cognitionem primo dicebatur: « Et sic est factum, » ut ostenderetur

facta ipsa cognitio in ea natura, que hoc in Verbo Dei ante cognoscere poterat; ac deinde siebant ipse corporales et irrationalies creature, propter quod deinceps addebutur, « Et fecit Deus. »

CAPUT XXI.

De homini immortalitate difficultas ex cibo ipsi prestito.

XXXIII. Qomodo autem homo immortalis factus sit, et acceperit escam cum aliis animalibus, herbam pabularentem semen, et lignum fructiferum, et herbam viridem, difficile est dicere. Si enim peccato mortalis effectus est, utique ante peccatum non indigebat talibus cibis. Neque enim posset corpus illud fame corrumpi. Nam illud, quod dictum est: « Crescite, et multiplicamini, et implete terram»,¹ quamquam nisi per concubitum maris et feminae fieri non posse videatur; unde hinc quoque mortalium corporum exitium indicum: potest tamen dici aliam modum esse potuisse in corporibus immortalibus, ut solo per charitatis affectu, nulla corruptionis concupiscentia filii nascerentur, nec mortuis parentibus successuri, nec ipsi moriuntur;² donec terra immortalibus hominibus impleretur, ac sic instituto justo et sancto populo, quem post resurrectionem futurum credimus, nascendi etiam modus fieret: potest quidem dici, et quomodo dicatur, alia consideratio est, sed non etiam hoc quisquam dicere audebit, ciborum indigentiam quibus reficiantur, nisi mortalibus corporibus esse posse.

¹ Gen. i, 28. — ² 2 Sent. dist. xx, cap. *De termino.*

CAPUT XXII.

Opinio quorundam, animæ creationem signari his verbis. Et fecit, etc.; corporis vero istis, Et fixit Deus, etc.

XXXIV. NONNULLI autem etiam hoc suspiciunt, nunc interiorem hominem factum, corpus autem hominis postea, cum ait Scriptura: « Et fixit Deus hominem de limo terre: » ut quod dictum est, « Fecit, » ad spiritum pertineat; quod autem, « Fixit, » ad corpus. Nec attendunt masculum et feminam, nonnisi secundum corpus fieri potuisse. Licet enim subtilissime disseratur, ipsam mentem hominis, in qua factus est ad imaginem Dei, quamdam scilicet rationalem vitam, distribui in aeternæ contemplationis veritatem, et in rerum temporalium administrationem, atque ita fieri quasi masculum et feminam, illa parte consulente, hac obtemperante: in hac tamen distributione non recte dicitur *imago* Dei, nisi illud quod inhaeret contemplandas incommutabili veritati. In cuius rei figura Paulus apostolus virum tantum dicit imaginem et gloriam Dei: « Mulier autem, inquit, gloria viri est¹. » Itaque quamvis hoc in duabus hominibus diversi sexus exterior secundum corpus figuratum sit, quod etiam in una homini interior mente intelligitur: tamen et femina quae est corpore femina, renovatur etiam ipsa in spiritu mentis sue in agnitione Dei secundum imaginem ejus qui creavit, ubi non est masculus et femina. Sicut autem ab hac gratia renovationis, et reformatioe imaginis

¹ Cor. xi, 7.

Dei, non separantur feminæ, quamvis in sexu corporis earum aliud figuratum sit, propter quod vir solus dicitur esse *imago* et *gloria* Dei; sic et in ipsa prima conditio hominis, secundum id quod et femina homo erat, habebat utique mentem suam eamdemque rationalem, secundum quam ipsa quoque facta est ad imaginem Dei. Sed propter uitatem conjunctionis, « Fecit Deus, inquit, » hominem ad imaginem Dei¹. » Ac ne quisquam putaret solum spiritum hominis factum, quamvis secundum solum spiritum fieret ad imaginem Dei: « Fecit illum, inquit, » masculum et feminam, » ut jam etiam corpus factum intelligatur. Rursum ne quisquam arbitraretur ita factum, ut in homine singulari uterque sexus exprimeretur, sicut interduum nascentur, quos androgynos vocant, ostendit se singularem numerum propter conjunctionis unitatem posuisse, et quod de viro mulier facta est, sicut postea manifestabitur, cum id quod hic breviter dictum est, diligenter copiter explicari: et ideo pluralem numerum continuo subiecti, dicens: « Fecit eos et benedix eos. » Sed ut jam dixi, diligenter in consequenti Scriptura de hominis creatione requiremus.

CAPUT XXIII.

Quo spectet illud versiculi 30: Et sic est factum.

XXXV. NUNC advertendum est, quod posteaquam dixit, « Et sic factum est; » statim subiecti, « Et vidit Deus omnia que fecit, et ecce bona valde: » ubi intelligitur potestas et facultas ipsa data naturæ humanae sumendi ad escam

¹ Gen. i, 27.

pabulum agri et fructus ligni. Ad hoc enim intulit, » Et sic est factum, » quod ab illo loco inchoaverat, ubi ait: « Et dixit Deus: Ecce dedi vobis pabulum seminale, etc. » Nam si ad omnia quae supra dicta sunt retulerimus quod ait: » Et sic est factum; » consequens erit ut confiteamur etiam crevisse illos jam, et multiplicatos implevisse terram in codem sexto die; quod eadem Scriptura testante post multos annos factum invenimus. Quapropter cum data esset haec facultas edendi, et hoc Deo dicente homo cognovisset, dicitur, » Et sic est factum, » in hoc utique quod Deo dicente homo cognovit. Nam si id etiam tunc egisset, id est, in escam illa quae data sunt etiam vescendo assumpsisset, servaretur illa consuetudo Scripturarum, ut posteaquam dictum est: » Et sic est factum, » quod ad exprimendam praecedentem cognitionem pertinet, deinde inferretur etiam ipsa operatio, ac dicetur: » Et accepérunt et ederunt. » Poterat enim ita dici, etiam si non rursus nominaretur Deus. Sicut in illo loco posteaquam dictum est: » Congregetur aqua quae sub coelo est in congregationem unam et appareat arida; » subinfertur, etc. Et sic est factum: » ac deinde non dicitur, » Et fecit Deus; » sed tamen ita repetitur, » Et congregata est aqua in congeries suas, etc. »

CAPUT XXIV.

Cur de homine non singulatum, ut de ceteris, dictum sit? Yidit Deus quia bonum est.

XXXVI. Quod autem non singulatum, ut in ceteris, etiam de humana creatura dixit: » Et vidit Deus quia ho-

» est, » sed post hominem factum, datamque illi potestatem vel dominandi vel edendi, subintulit de omnibus, « Et vidit Deus omnia quae fecit, et ecce bona valde, » merito queri potest. Potuit enim primo reddi homini singulatum, quod singulatum ceteris quae antea facta sunt redditum est, tum demum de omnibus dici quae fecit Deus, » Ecce bona valde: » non singulatum de iis, quae ipso dicta sunt? Cur ergo de pecoribus et bestiis et reptilibus terra dictum est, quae ad eundem diem sextum pertinent? nisi forte illa et singillatum in suo genere, et cum ceteris universaliter dici bona meruerant; et homo factus ad imaginem Dei, nonnisi cum ceteris hoc dici meruit. An quia perfectus nondum erat, quia nondum erat in paradiſo constitutus? quasi vero posteaquam ibi constitutus est, dictum sit, quod hic pratermissum est.

XXXVII. Quid ergo dicemus? An quia praesiebat Deus hominem peccatum, nec in sua imaginis perfectione mansurum, non singillatum, sed cum ceteris eum dicere voluit bonum, velut intimans quid esset futurum? Quia cum ea quae facta sunt, in eo quod facta sunt, quantum accepérunt, manent, sicut vel illa quae non peccaverunt, vel illa quae peccare non possunt; et singula bona, et in universo bona valde sunt. Non enim frustra est additum, » valde; » quia et corporis membra si etiam singula pulchra sunt, multo sunt tamen in universi corporis compage omnia pulchriora. Quia oculum, verbi gratia, placitum atque laudatum, tamen si separatum a corpore videremus, non diceremus tam pulchrum, quam in illa connexione membrorum cum loco suo positus in universo corpore cerneretur. Ea vero quae peccando amittunt decus proprium, nullo tamen modo efficiunt, ut non etiam ipsa recte ordinata, cum toto atque universo bona sint. Homo agitur ante peccatum et in suo utique genere bonus erat:

sed Scriptura prætermisit hoc dicere, ut illud potius diceret quod futurum, aliquid prænuntiaret. Non enim falsum de illo dictum est. Qui enim singulatim bonus est, magis utique cum omnibus bonus est. Non autem quando cum omnibus bonus est, sequitur ut etiam singulatim bonus sit. Moderatum est itaque ut id diceretur; quod in præsenti verum esset, et præscentiam significaret futuri. Deus enim naturarum optimus conditor, peccantium vero justissimus ordinatur est; ut etiam si qua singulatim sium delinquendo deformia, semper tamen cum eis universitas pulchra sit. Sed jam ea que sequuntur in sequenti volumine pertractemus.

LIBER IV.

TRACTATUS INITIUM SECUNDI CAPITIS GENESEOS. POSTQUE NONNULLA DE SENARI
NUMERI PERFECTIONE, NOVETUS QUESTIO RURSUM CIRCA VERBICULUM 5, CAP. I,
QUOMODO SCILICET CREATA LUCE, FACTA SIT VESPERA ET FACTUM MANE, SICQUE
DIES NUMERATI ISOFIE AD SEXTUM ET SEPTIMUM.

CAPUT I.

Dies sex quomodo accipiendi.

I. « Et consummata sunt coelum et terra, et omnis or-
» natus corum. Et consummavit Deus in die sexto opera
» sua, quæ fecit, et requievit Deus in die septimo ab
» omnibus operibus suis, quæ fecit. Et benedixit Deus
» diem septimum, et sanctificavit eum; quia in ipso re-
» quievit ab omnibus operibus suis, quæ inchoavit Deus
» facere. » Arduum quidem atque difficillimum est viri-
bus intentionis nostræ, voluntatem scriptoris in istis sex
diebus, mentis vivacitate penetrare, utrum præterierent
dies illi, et addito septimo, nunc per volumina temporum,
non re, sed nomine repetantur. In toto enim tempore
multi dies veniunt præteriti similes, nullus autem idem
redit. Utrum ergo præterierint dies illi; an istis qui co-
rum vocabulis et numero censentur, in temporum ordine
quotidianis transcurrentibus, illi in ipsis rerum conditionibus
maneant; ut non solum in illis tribus antequam fierent
luminaria, sed etiam in reliquis item tribus, diei nomen